

天下郡國利病書

天下郡國州縣書

順治十七年八月御史陸

疏言霸州城南之地保定縣河北

之田文安縣東窪等處俱坐落堤外向時止有琉璃河水道  
故十年五潦以五年之收賠五年之潦民止勞其力而未嘗盡其  
財自順治十年間渾河南注從霸州城下達口頭村而赴東海  
渾波所過蕩為巨津而三處之地皆成水府淵深不測一望汪洋數  
十里千頃之良田久已間諸水濱矣



天安縣

自王東經注高轉而西而北  
過王家口史哥庄折而東由  
上五哥庄達保定此舊堤趾  
也因史哥庄以南地隸雄縣  
不惟無同舟之濟且係入室  
之戈故不得已修通堤以自  
固云


此內有雄縣十三村

遙堤起自白家道  
口至上五哥庄長  
八里俱極高阜崖  
公築

議築遙堤  
起自保定  
連蘇橋亦  
高阜可因  
詳具餘謀  
志



大城縣



文安縣志序 紀克家 敝邑地形如仰盂為十五河尾閭秋水

驟至閭殫為河故歲多逋賦不能佐公家急為長吏病然所恃為  
命脉者惟隄防是賴隄之綿亘百五十里大半在他郡邑地故修  
築功力亦與他郡邑共之此勤彼怠人緩我急九仞之功虧于一  
簣千丈之防穴於一蟻此文之第一苦也其次莫若大户頭後蓋  
敝邑賦分九則富者為影射為占冒超然計口之外故積年所食  
派皆赤貧其實而大户其名耳至頭役之累尤不可勝言無論一  
切解支悉為包賠即過客供張一飯一蔬一殮一席皆于焉取辦  
故事三年一編千家立見蕩析此文之又一苦也次莫若屯牧課  
稅夫屯牧地坐落汙和之鄉水至則為江湖蕩若巨津遇旱而  
剛鹵不能施耕耨昔人所謂石田者間或長鳬茭亦可療饑總屬  
不毛之地既不毛賦于何有故課稅之設皆非正供乃二正時

闖人用事投獻紛、莊田宮稅為名不一皆百姓所驚兒佃產以  
賠償者自先京理倡議力請減徵以蘇其困而害稍、捐此文之  
又一苦也、次莫若寄養馬、薄地四頃養一馬旱則苦水草不克一  
遭渰沒家且浮矣而況于馬故往、有繫之公門而去者不得已  
累及里甲萬不得已則以公署闢為官廐甚至馬斃而家隨之且  
不止斃一家而槩里隨之此文之又一苦也、次莫若鬻官鹽從來  
鹽法之行祇有禁私販以通官商者敝邑則按口而給如期而徵  
急商課嚴於國賦非通商以裕民而厲民以惠商此文之又一苦  
也、凡此數者不害于法而害于法不法

水經

濁漳水出上黨長子縣西發鳩山至武邑與寧池

即薄合

至成平與清河合又東北過章武縣西又東北過平舒縣南東入  
海一右出為澌一水北注寧池謂之澌口

即大城之  
王家口

清漳亂流而

入于海

濁漳又名衡水即禹貢所謂覃懷底績至于衡漳孔安國云漳水橫流入河

清漳水出上黨

沾縣東至武安縣南黍窖邑入于濁漳

易水出涿郡故安縣閭

鄉西山酈道元云逕鄭縣故城北東至文安縣與雲池合

冠水

出代郡靈丘縣高氏山又東南過中山上曲陽縣北恒水從西來

注之

道元云即禹貢所云恒衛既從也疏云恒水出常山上

濡水

昭公七年齊與燕會于濡水杜預云濡水出高陽縣東北至河間

鄭縣入易水地里誌云博水東至高陽入河又東北徐水注之

聖水出上谷東入于海註云東南流注于巨馬河不達于海巨馬

河出代郡廣昌縣涑山又東過渤海東平舒北東入于海

註云即

又謂之白溝于平舒北南入于雲池同歸于海一統誌云一在永清縣南一在霸州治北又徙而南俱桑乾支流與水經巨馬河異

派史記趙惠文王二十一年趙徙漳水武平西二十七年又徙

漳水武平南

括地誌云武平亭今名渭城在瀛州文安縣北七十二里今城東北七十二里勝芳鎮衆水滙流疑即武

平會通河在縣治北四十里水自霸州滙者一十有五曰廣陽水  
涿水范水鹽溝水盧溝河胡良河巨馬河夾河琉璃河沙河龍泉  
河王帶河磁河汭河霸水自安州雄縣滙者三十曰梁河清苑河  
石橋河土尾河徐河方順河長流河溫義河馬村河紫泉河五里  
河拒馬河白溝河白澗河唐河沙河滋河潯沱河雄河鴉兒河道  
欄河祁水易水女思谷水濡水淶水雷溪子莊溪一畝泉雞距泉  
自河間任丘滙者二十有一曰滏水西韓河其陶河即治河綿蔓河  
裕陽河衛河濺河派河臙脂河當城河告河濁漳河清漳河夾河  
恒水倒馬關水潯沱河高陽河漕河長豐渠五官淀以八十步之  
渠而滙巨浸六十有六此邑之所以歲苦波臣也 石溝河在縣

治東北五十里

柳河在縣治東北二十五里

急河在縣治東

北二十里

文安潭在縣治北十五里

大寧橋口在縣治東南

五里 玳瑁口在縣治東南二十五里 火燒淀在縣治東二十  
五里廣四千餘畝聚石溝柳河急河三水流入衡水達直沽 麻  
窪淀在縣治東南 牛臺淀在縣治東 白龍淀在縣治北 勝  
芳灘在縣治東北七十里上接會通河下達三角淀

大司馬王公遴議自保定縣東路疇村起自西向東由周家庄戴  
家庄魯家庄西營村直抵堂頭村築大堤一道務極高厚南護文  
安地方計長約四十里計用夫二千名做工兩月每天一名給工  
食銀一兩五錢計銀六千兩此一勞永逸二州七縣之利義當共  
舉事難惜費俟堤既成即將路疇村迤北至口頭村卜家庄善來  
營苑家口蘇家橋沿河一帶南岸之隄盡為決去秋水一發即以  
所築之隄為南岸則水豈能復壅所謂不與水爭利是已此策之  
上也目前之計但當於苑家口栲栳圈二河之中內有民田京營

地約有四五十頃亦因水患皆曲為防一遇水發最為壅塞若將民田京營地捐其賦稅一半餘者各州縣代補聽各自種自食春間無水尚堪種麥夏間稍旱亦可種菊其中曲防盡為決去則秋水亦不致大壅此不過一舉手之力邑侯郭公允厚議二策一起自注窩東行至圍河出保定之南經留寨之北過西營抵蘇家橋築月堤一道長約二十五里有餘遠者去河二十里近者去河亦數里容蓄有餘水勢漫緩此王大司馬展堤之遺意也雄霸諸水舉不能東下而犯文安此上策也或曰河之決而入文安也多自保定之下苑口之上則今築月堤而護文安亦當自保定之下苑口之上起于保定舊城基下東北經孔家甫戴家庄至西營抵蘇橋不過十三里許此其工力較前堤減半而黑牛口白家道口諸水之自雄入文者尚不能救也此中策也憲副井公濟博遙

堤議注一由注窩西里許起自白家道口西北達保定縣上五哥庄築

為遙堤以防廖家黑牛等口之衝上五哥庄經保定縣東北至路

疇村南頭俱極高阜仍用舊防由路疇村南頭起經東北西營村

達蘇家橋亦築為遙堤以防路疇口頭杏葉等處之衝仍修北堤

以縷水復設遙堤以豫防北堤可守則守北堤北堤不可守則決

蘇橋東頭之堤以洩水而共守遙堤水勢既寬必無潰決患矣

霸州道觀察王公鳳靈議余觀直沽之上有大淀有小淀有三角

淀廣延六七十里深止四五尺若因而增益又為之堤停蓄眾水

而委輸于海水固有所受也然後濬治舊川為長堤以束之高廣

倍于前功使水有所行又多開支河聯絡相屬使水有所分見在

窪淀不下數十處又各深而堤之使水有所積則雖有淫潦飛流

大川瀉之支河析之諸淀潴之高堤防之可以無橫溢滔天之患

矣。堤易壞，必有堤。夫歲繕河易淤，必有淺。夫時挑支河，既分必多。有橋梁以通濟，則川得安流。田得利溉，人無病涉。戎馬不得長驅，地方大利也。文安大城，別為一區，亦宜用此法。多方疏濬，然非朝廷定其議，大臣董其役，勢必格而難行。功或苟而速就，求河之治可得乎？掖令姜公楊武議：夫水之行地，猶血脉之周身。欲疏通，不欲底滯。其性一也。顧咽喉，其可噎乎？脉絡，其可壅乎？尾閭，其可塞乎？玉帶河抵苑家口，水之咽喉也。古鹽河水之脉絡也。三家淀與三角淀，水之尾閭也。今桑乾巨易、滙西北洪流而注于八十步之渠，噎乎不噎乎？鹽河即衡漳、滹沱之故道，歲久墜闕，闕為桑田。秋水灌河，餘波橫溢，壅乎不壅乎？三家淀塞，則衡漳、滹沱之水不得游衍于灤塘、石溝、臺山勝芳，與三角淀不闌于浮沙，即隘于敗葦，而漚易桑乾、胡梁、巨馬諸水不得奔流于滄海，祇聞峻防，未

聞䟽濬若此者塞乎不塞乎用王司馬展河之策而咽喉之病除  
用元人䟽河許中丞濬河之策而脉絡尾閭之病除夫水之蓄隄  
者與水爭勢也以八十步之渠而闢為三里之渠河身廣濶波流  
漫衍不惟霸文保大無衝決之害而雄縣新城安州新安高陽任  
丘俱免壅塞之患矣往時潯沱潰而北桑乾潰而南北交瀕而  
南患更慘于北余昔經鹽河見故道空曠漫漶未䟽一加挑濬便  
成寬渠南河通流何由北注則西南之水由真定河間而滙于潯  
沱河者亦可以殺其奔騰之勢而文邑免交瀕之苦矣靜海居民  
塞三家淀者有禁凡潯水經由之故道悉濬之使深廣由蘇家橋  
迤東烟波浩淼萬派朝宗近為沙草填淤而變為斷港絕流者亦  
濬之使深廣下流一塞則上流必溢下流之趨海者既順則上流  
之歸壑者愈疾如是則壅塞之弊撤而九河之績奏矣夫展北河

濬南河、䟽下流、要皆相地之脉、順水之道、貫惟仍舊、費可永寧、由是而咽喉、而脉絡、而尾閭、猶閉為閼、格潰為癰、疽無是理也。又議云、憶余垂髫時、同鄉徐公諱貞明、奉命開三輔水利、阻于浮議、曰北土不宜稻也。庚戌、陳生國紀與涿鹿覓越人之習水利者、䟽畦引水、創為稻田、阻于衆口、曰北土不宜稻也。余私詫曰、今涑涿、漁陽、廣栽杭稻、民獲其利、矧職方氏云、幽州穀宜三種、鄭云、黍稷稻、賈公彥䟽云、幽與冀相接、冀皆黍稷、幽見宜稻、故云三種黍稷稻也。是幽之宜稻、其來舊矣。或曰、涑涿之間、山泉清淺、正劉靖紀勲碑所云、䟽之斯溉、決之斯散也者。吾鄉亢旱則涸、及三泉隄隤、則水深五丈、障之猶虞蕩決、引之更益奔衝、談水田于豐利、非徒無益、實增之害也。余聞之、輒然曰、若所云、真夏蟲之不可語水者矣。且漳水可以灌鄴、滏水可以富閼、中何吾鄉之于河、獨避

之如仇而畏之如虎耶及讀宋史何承矩傳自順安瀕海東西三百餘里南北五七十里悉為稻田食貨誌云凡雄鄭霸州平戎順安等軍興堰六百里置斗門引淀水溉灌吾鄉始為塘藥終為稻田防塞實邊具有成績稻田有八利多為溝渠引填淤之水利一分為支河疏壅塞之害利二旱不虞枯槁利三水不虞泛漲利四通舟楫以便轉輸利五稻一斗易粟數斗利六逋賦易完利七戎馬不得馳突利八然始必壞民丘壠多起丁夫變置川原遷延歲月都邑易騰浮議愚民潛布流言未驅載穗之車已中鑠金之口必主之密勿付之重臣勿因小害而阻撓勿徼微利而鹵莽寬其文網需以歲時則數百載之曠典庶可次第舉矣

文安地形如釜當十五河之衝為泉流滙歸之區也其三營四淀皆不毛之地初無額課自正德時始議開墾而大力者乞為庄